

Gniježđenje sive čaplje u Visokom i na Livanjskom polju

Breeding of Grey Heron in the areas of Livanjsko polje and Visoko:

During 2007 two colonies of Grey Heron (*Ardea cinerea*) were registered in the areas of Livanjsko polje and Visoko. The colony in Visoko had 5 active nests, and the colony in Livanjsko polje had 9 active nests.

Tokom terenskih istraživanja, obavljenih u 2007. godini, zabilježeno je gniježđenje sive čaplje (*Ardea cinerea*) na područjima Visokog i Livanjskog polja. Koloniju sive čaplje na ulazu u Visoko, hrastovoj šumi ispod sela Taukčiči, u blizini autoputa Sarajevo-Zenica, registrovao je Ilhan Dervović početkom aprila kada je vidio 21 gnijezdo. Prilikom zajedničkog obilaska 29. aprila, zabilježili smo pet aktivnih gnijezda. Međutim, zbog nepogodnog položaja nismo tada uspjeli prebrojati sva aktivna gnijezda. Kasnije je 15. maja 2007. Ilhan Dervović prebrojao 15 aktivnih gnijezda. Inače, siva čaplja je u periodu od 1996. do 2007. redovno registrovana na području Visočkog polja i uz rijeku Bosnu i to u broju od 35 do 57 primjeraka koji su zabilježeni u januaru 2007. godine. Opisano gniježđenje je prvi nalaz gniježđenja ove vrste na datom području u posljednjih 10 godina. Koloniju u Livanjskom polju registrovali smo 2. juna. Ova kolonija je brojala devet aktivnih gnijezda i nalazila se na drvetu u polju na lokalitetu Bastaša.

Dražen Kotrošan i Ilhan Dervović,
Ornitološko društvo „Naše ptice“, Semira Frašte 6, 71000 Sarajevo, naseptice@hotmail.com